

بِسْمِ اللَّهِ الرَّحْمَنِ الرَّحِيمِ

Khutba Jummah

HADHRAT AMIR'UL MUMINEEN MUHYI-UD-DIN

Munir Ahmad Azim

20 Février 2015 ~

(29 Rabi'ul Aakhir 1436 Hijri)

(Résumé Khutba)

Après ki li fine salué tous so bane disciples (et tous bane musulmans) du monde entier par « Assalamoualaikum Warahmatullah Wabarakaatuhu » Hazrat Muhyi-ud-Din fine commence so Khutba Jummah avec Tashahhud, le Ta'ouz, Surah Al Fatiha, et ensuite li fine dire:



Révélation capave consister d'ene sél mot, mais so signification li bien grand, pareil couma ene goutte de l'eau fer ene l'océan en entier trembler kan sa goûte de l'eau tombe dans sa l'océan là. Nature de la révélation li multiple, et parmi bane types de révélations, nous ena aussi bane mauvais causé ki Shaytane soufflé dans bane z'oreilles, et sa bane chuchotements sataniques là, faudé pas confondre zot avec le contexte de la vérité spirituelle de bane révélations, c'est-à-dire, faudé pas confondre zot avec bane Révélations Divines.

Tous dimounes capave recevoir bane inspirations divines, mais seulement, bane révélations divines, ki aussi pures et fréquents couma saki bane messagers d'Allah recevoir zot d'ene nature différents et pli beaucoup grands et extraordinaire ; c'est bane tel révélations ki pas laisse aucaine doute concernant la source de sa la lumière spéciale là. Par conséquent, la révélation dans l'Islam équivaut à sa connexion extraordinaire qui relié ene serviteur exceptionnel d'Allah à so Seigneur (*Rab*). Sa serviteur d'Allah là arrive à goûte d'ene lien spécial à travers lequel Allah révèle Li-même à So serviteur, et petit à petit – pareil couma ene jardinier qui arrose ene la grain ki li fine fek planté dans la terre afin ki li trouve li grandi et vine fort et rapporter – alors pareillement petit à petit, sa serviteur d'Allah là, à travers bane rêves, visions et bane révélations et inspirations divines li pousse (pareil couma sa plante là) d'ene l'état spirituel à ene l'autre et en tant ki ene instrument béni et exceptionnel d'Allah, li arrive recevoir dans li sa la lumière là pour éclairer le monde entier.

So l'être en entier vine ene objet de lumière, ene phare, ene rayon de lumière pour attirer bane ki trouve zot dans sa connexion extraordinaire du plaisir et satisfaction d'Allah, afin pour capaver trouve et réalise So la lumière, pareil couma ene radar ki émette ene signal fort, afin pou manifester so présence parmi bane peuples de la terre, et en particulier, bane ki possède vraie connaissance (c'est-à-dire, bane *Ulul-al-Baab*).

Très souvent, sa bane dimounes ki nous appelle zot « *Ulul-al-Baab* » là, (c'est-à-dire, bane dimounes doué de compréhension, bane dimounes doué de vraie connaissance) alors sa bane dimounes là zot très humbles de nature. Bane les autres dimounes capave considère zot couma bane dimounes désespérés et pauvres, mais sa c'est zis dans lizié de l'homme, parski en vérité, dans lizié d'Allah le Tout-Puissant, zot statut bien bien grands. Sa c'est parski zot pas vine vende zot conscience et zot lé cœur et la foi ki pure à bane attractions de sa lé monde temporaire là; zot pas fine attache zot à tous sa bane fausses attractions là. Ene dimoune riche aussi li capave considéré parmi bane vrais *Ulul-al-Baab* parski, malgré l'argent et bane richesses ki li gagné, mais li pas gourmand de sa bane richesses, et li partage sa richesses kot sa-sa li bizin partager, c'est-à-dire, li obéir à bane instructions et commandements Quran et li partage so fortune à bane pauvres dans bane proportions ki Allah fine rende obligatoires pour li pour donner; et également li donne bane parties de so fortune en charité, de bonne foi comme ene action volontaire de so part à cause tendresse ki ena dans so lé cœur pour aide bane ki moins fortuné ki li et aussi pour aide la communauté de bane croyants dans Mission de *Dawah* (Pour invite et dirige bane dimounes vers Allah, vers l'Islam).

Par conséquent, bane *Ulul-al-Baab*, ki zot riches ou pauvres, ou entre les deux (ni trop riche ni trop pauvre), alors zot capté signal ki émette par sa radar spécial envoyé par Allah là, de sorte ki dans le cercle de sa connexion bien doux là, bane dimounes coumsa là capave atteindre à Allah sans le moindoute. Sa Messenger d'Allah là, sa porteur de la Lumière là, kot li aussi sa Guide ki vine pour le monde en entier, alors li vini pour enseigner à bane dimounes couma pour gagner sa connexion avec Allah là. Et alors li pour capaver fer sa travail là avec l'aide du *Rooh-il-Qouddous* (le Saint-Esprit).

Couma mo fine toujours dire mo bane disciples depuis le début de la Manifestation Divine à Maurice, connexion avec Allah vini avec ene purification du cœur, et c'est dans sa l'état de purification là – et kot alors li bien nécessaire ki sa dimoune là faudé pas gagner le moindoute concernant véracité de so Guide Spirituel (en l'occurrence, sa humble serviteur là - *le Khalifatullah*) et de la manifestation divine – (alors c'est dans sa l'état de purification là) et avec la croyance, la foi et la confiance ki Allah, Celui ki fine envoie So messenger avec le *Rooh-il-Qouddous* ena en effet le pouvoir pou causé malgré ki li pas ena la langue pou causé, et ki alors sa dimoune en question là capave atteindre Allah. Mo pé cause pour la Manifestation divine actuel, la Manifestation Divine de sa l'époque présent là, parski mo fine être envoyé dans sa siècle là à zot tout pour guide zot vers Allah, et donc, la croyance, la foi et la confiance dans la véracité de sa humble serviteur là (*le Khalifatullah*) li essentielle si kikaine oulé vine bien près avec Allah, kan li prend sa humble serviteur là comme so guide et consacré.

Par conséquent, kan la confiance et la croyance fine fermement gravé dans le cœur, celui qui tourne li vers Allah dans **Zikrullah**, en invoquant nous *Rab* ki très miséricordieux d'ene façon intense et avec dévotion, l'amour et sincérité, par conséquent, pour bane ki Allah choisir pou ouvert sa la porte là, alors sa bane dimounes bien chanceux là, alors zot alle gagne bane faveurs spéciales de la révélations et inspirations divines, et zot gagne bane véritables visions de telle façon pou prouve la véracité de sa véhicule (c'est-à-dire, le Messenger d'Allah) ki Allah fine faire déssane pou zot afin pou guide zot vers Li (Allah). Zot pas recevoir bane révélations dans même intensité, kantité et kalité ki le Messenger d'Allah recevoir, mais zot recevoir révélation en ti dose, assez pour retire tout bane malentendu, doute ki zot ti capave ena avant ki zot rencontre la manifestation divine et le Messenger d'Allah de zot l'époque.

Pour sa bane dimounes là, zot vive zot la vie dans le Quran Shareef. Séki mo pé rode dire par sa c'est ki, sak fois ki zot consulte Quran Shareef pour kit situation ou problème, en recherchant l'aide d'Allah à travers sa Quran là, alors, le Quran adresse li à zot et montrer zot bane paroles d'Allah ki convenir à la situation ou problèmes ki zot pé fer face. Zot apprane pou vivre bane révélations d'ene façon continuelle parski, couma zot néttouye zot lé cœur à travers le Quran, zot arrive à stage kot Allah cause avec zot à travers bane pages du Quran.

Sa bane kalité dimounes là zot bane ki, kan zot concentré dans le Zikr d'Allah, zot recevoir le grand bonheur pou gagne connexion avec Allah parski alors Allah ouvert pour zot le tunnel de bane visions et de bane révélations et Allah guide zot (zot l'âmes) par So la force immense vers vision (en état de conscience) ki Allah oulé ki zot trouver, ressenti et apprécier.

Sa bane dimounes là aussi zot en mesure pou recevoir réprimande divine – parski l'homme fine créer de nature faible – sak fois ki zot commette ene erreur. Zot attachement avec le Messenger d'Allah li telle ki zot recevoir la lumière du *Rooh-il-Qouddous* ki fine dessane dans sa siècle là lors Allah So Serviteur Choisi, et donc, pareil couma pendant *Laila-tul-Qadr* (la Nuit du Décret) zot arrive à témoigne bane signes extraordinaires, et zot recevoir bane visions et Allah exauce zot bane duahs et sa bane visions là et renforci zot la foi et garde zot lé cœur toujours mou dans l'amour et la soumission d'Allah. Le Messenger d'Allah vini pour guide sa bane dimounes ki oulé gagne sa connexion là, et arrive à sa plus haut niveau de la foi, de croyance là. La foi ki zot recevoir li inévitablement vine de Allah et le degré de sa la foi là li mieux connu à Allah seul. Mais croyance et sincérité ki zot démontré donne ene ti l'idée quant à la nature de la foi ki zot ena dans zot kan Allah Li-même vine zot protecteur et conséyé. Sa c'est bane vrais disciples de bane messagers d'Allah, qui arrive saki arrive, malgré bane mauvais la langues, alors sa bane dimounes là renié sa bane chuchotements sataniques là afin pou tenir ferme à bane faveurs et rayons de lumière exceptionnelles ki Allah fine confié zot kan zot fine vine bane grands aides pour le Messenger d'Allah de zot l'époque et sa bane disciples là zot fer sa grand travail là en étant fidèles à zot conscience et à travers bane directives divines (ki le Messenger d'Allah recevoir).

Zot la vie en entier vine au grand plan, de l'avant pour démontrer ki l'aide d'Allah avec zot ; zot arrive à vive l'Islam dans le vrai sens. Zot recevoir bane bonnes nouvelles à travers bane vrais

rêves, et zot arrive à être attiré par la force divine pour témoigner du monde spirituel tout saki Allah oulé ki zot trouver, et de sa façon là, zot informé de l'état spirituel du Messenger d'Allah et de sa véracité et le rôle ki zot ena pou jouer à so côté dans le plan d'Allah.

Par conséquent, c'est pas seulement le Messenger d'Allah ki recevoir et apprécié bane révélations divines, mais dans ene certaine degré, bane disciples sincères du Messenger d'Allah aussi gagne bane révélations, et à travers zot connexion avec Allah, zot arrive à réaliser petit à petit ki sa le monde là li bien limité, alors li l'essence de zot êtres, en particulier, zot l'essence spirituelle pou vivre éternellement sak fois ki zot pou soumettre à la volonté divine et zot unir zot avec la lumière d'Allah et de So messenger.

Avant ki mo termine mo Khutba lors sa vaste sujet là– bane Révélations – mo tenir à dire quelques mots lors prophétie du 20 Février 1886. Aujourd'hui couma zot conné, c'est le 20 Février, et sa fer nous rappelle grand prophétie dans l'annonce du 20 Février 1886 concernant bane supplications du Messie Promis (as) ki li ti fer à Allah dans Hoshiarpour afin ki Allah béni li avec ene tel garçon physique (biologique) ki pou vine so héritier physique et spirituel d'ene façon majestueux.

Ene prophète, ene envoyé d'Allah oulé toujours bane zenfants pieux, de so propre lignée et de so propre disang afin pou contigner so mission, so bane travaux avec même intensité de dévotion ki li fine montré envers Allah tout au long de so la vie lors la terre. Bane prophètes d'Allah rode gagne sa bane pierres précieuses là, ki vine de zot propre lécorps même, de zot propre disang, mais c'est après ki zot fer bane grands supplications à Allah ki zot gagne bane tels zenfants. Kan Hazrat Ibrahim (as) ti prié pour gagne ene garçon et messenger d'Allah béni, après avoir été ki li reste sans zenfant pendant des années, li ti rode ene miracle d'Allah de par la grâce et la majesté d'Allah, et so *Zaki Ghulam* (garçon pur) pas ti seulement de so propre disang, mais sa garçon là ti aussi so héritier spirituel, le fait ki sa zenfant là fine vine ene prophète d'Allah, ki choisi et purifié par Allah. Même kitchose fine produire pour Hazrat Zakariyya et Hazrat Dawud (as), entre autres.

Ene prophète d'Allah pas trompé dans so bane supplications à Allah concernant ki type garçon ki li pé demandé avec Allah! Li cherche ene héritier biologique et spirituel, ki pou ena sa deux attributs là dans li (physiques et spirituels pour l'amour d'Allah et de la part d'Allah), ene telle garçon ki pou sorti de so propre lé corps (de so propre semence) pour continuer so bane travaux, pour contigner sa mission ki Allah fine confié li là. Et kan ene prophétie, plus précisément kan Allah donne li ene bonne nouvelle ki li pou vine papa d'ene garçon béni, et ki Allah fine manifesté dans sa zenfant là beaucoup plusse de bane attributs divines et spirituels afin ki li reflécté dans li la pureté d'être garçon d'ene prophète d'Allah, alors par conséquent, le prophète d'Allah, en l'occurrence, le Messie Promis de l'Islam, le premier de so jarre, Allah fine bel et bien écoute so duah et accorde li ene telle demande.

Grâce à plusieurs de so bane annonces, li fine précisé ki li ti pé attane l'accomplissement d'ene garçon physique (biologique) ki pou vine le réformateur (tant attendu) de l'islam, ene telle garçon ki pou vine so réflé couma dans ene miroir, c'est-à-dire, ki sa zenfant là pou posséde ban qualités messianiques afin pou contigne so mission jusqu'à dans quatre coins du monde.

Couma zot pou d'accord avec moi, sak fois ki ene prophète d'Allah vine lors la terre, couma sa fine toujours être le cas depuis la création de la terre, **fine fini prévu ki sa prophète d'Allah là pou ena bane héritiers spirituels, bane prophètes d'Allah qui pou confirme so véracité et qui pou propage so mission et pou sauvegarde so l'honneur aussi longtemps que la vie exister lors la terre.** En plisse de sa, li *Sunnat-Allah* (la façon d'agir d'Allah) pou préserve l'honneur de tous So bane prophètes du début à la fin des temps. Par conséquent, bane héritiers spirituels de bane prophètes pou BIZIN vini, surtout après l'avènement de dernier la religion ki Allah fine accorde l'humanité, c'est-à-dire, **l'Islam** so l'étendue li universel, et raison ki l'islam pou BIZIN recevoir bane messagers d'Allah c'est pour la renaissance de l'état de bane musulmans et pou ramène la gloire de l'islam. De même, li prévu ki Allah comme étant toujours ene Dieu vivant pou toujours protège l'islam et Jamaat de So Messie islamique Hazrat Mirza Ghulam Ahmad (as), et ki li *Sunnat-Allah* (la façon d'agir d'Allah) ki bane messagers d'Allah pou bizin toujours contigner vini au sein de l'islam et plus particulièrement dans Jamaat de Hazrat Massih Maoud (as) pareil couma bane mayons d'ene la chaîne ki attaché ene à l'autre, et renforçant de sa façon là sa la chaine là et préservant ainsi la gloire de pendentif ki orne sa la chaine là (en occurrence ici, le meilleur de tous bane prophètes et bane dimounes, Hazrat Muhammad (saw)).

Par conséquent, kan ene élu d'Allah, plus spécifiquement ici (dans nous contexte) ene prophète d'Allah, ki vine de bane de l'eau d'Allah et de l'apostolat de So bien-aimé prophète Hazrat Muhammad (saw) ; alors kan ene tel élu et prophète d'Allah là cherche ene signe majestueux d'Allah sous la forme de la naissance d'ene tel garçon ki pou représente l'avenir glorieux de l'islam, alors c'est ene garçon biologique ki li recherché pour la manifestation de sa grand signe là. Parski li conné, ki ene jour pou vini, des années après so la mort, quand l'islam (et so Jamaat) pou arrête refléte et arrête conforme zot à so bane l'enseignements, alors couma li *Sunnat-Allah* (la façon de faire d'Allah), Allah pou envoye ene So élu de so propre communauté, religion (l'islam), et Jamaat, ki pou ene so frère (bane prophètes zot bane frères) afin pou continuer so mission. So héritier li ene frère dans la foi pour li, et aussi li ene fils spirituel parski li bizin refléter dans li bane qualités de so prédécesseur par la volonté d'Allah.

Mais le plus majestueux de tout, véritable manifestation d'ene grand signe c'est quand ene prophète d'Allah suppliyé Allah pour li gagne ene fils biologique ki pou vine aussi ene Messenger d'Allah ou ene réformateur de l'islam pour prend la responsabilité de l'héritage de so bane travaux durs et propage sa jusqu'au fin fonds de la terre. Et sa grand manifestation là ena lieu quand Allah entende ene tel appel et accorde ene tel garçon à So bane élus, bien sûr, du vivant même de So prophète, quand li engendre ene tel garçon! Sa prophète là pas ena pou attane des années après so la mort pour assister à la réalisation d'ene tel signe, pour la simple raison ki sa

manifestation là bizin arriver kan li toujours vivant et li fine gagne sa garçon biologique là, et non pas kan li népli en vie pou trouve l'accomplissement de sa demande ou supplication là.

De même, mo bane frères de bane différents Jamaats dans cercle même du Jamaat Ahmadiyya fine appelle l'attention de bane chercheurs de vérité lors Mirza Moubarak Ahmad (ra) comme étant sa garçon là, mais qui, après un bref séjour dans sa le monde là fine bizin quitte sa le monde là, pareil couma nous tout ene jour nous ena pou quitte sa le monde là. Permette moi pou dire ki bane prophètes d'Allah passe par bane épreuves d'Allah aussi, mais quand Allah fine promette ene signe majestueux à la suite de bane *doas* (supplications), alors sa signe là manifesté certainement dans bane façons bien extraordinaires. Sa bane dimounes là fine même dire ki après la mort de Mirza Moubarak Ahmad, Hazrat Massih Maud (as) fine recevoir la bonne nouvelle d'ene garçon (*Zaki Ghulam* – garçon pur), mais ki li pas fine engendre aucaine lotte zenfants (garçons) après Mirza Moubarak Ahmad, et donc prophécie (20 Février 1886 là) pé bizin indiquer ene fils spirituel au lieu d'ene fils biologique. Mais bane garçons spirituels ki purs bizin impérativement vini dans Jamaat Ahmadiyya parski c'est la façon de faire d'Allah (*Sunnat-Allah*), mais la réalisation d'ene grand prophécie précis bizin être celui d'ene fils biologique kan le Messager d'Allah fine supplié dans sa l'optique là, et ki li ti pé attane pou recevoir ene fils biologique couma li fine montré clairement à travers so bane écrits.

À travers so bane écrits, bane révélations ki li fine mentionné ki li fine recevoir à propos tous so bane garçons, que ce soit concernant bane ki fine morts ou bane ki fine reste en vie fine démontré ki Allah fine donne li bane garçons avec bane l'âmes pures, avec bane facultés spéciales, mais le teste ti consisté pour li pou conne clairement qui parmi so bane garçon ki fine reste en vie ti so véritable héritier biologique et spirituelle, l'héritier de l'Islam, possesseur de bane qualités messianiques. Tous so bane garçons ti promis pour li (alors, tous ti bane fils promis) par voie de bane révélations, mais ene d'entre zot ti le réformateur promis, et la durée de neuf ans ki li fine mentionné dans ene de so bane annonces en 1886 fine retire tous bane doutes kan à l'impatience avec quoi li ti pé attane la naissance de sa zenfant là, et quand Hazrat Mirza Bashiruddin Mahmud Ahmad (ra) fine né, le Messie Promis fine donne li le nom de Bashir et Mahmud. Eski sa pas ene façon de faire d'Allah pou guide So Messie pour nomme et pou gagne de sa façon là le *Musleh* (réformateur) et *Ghulam* (garçon), ki li ti tant prié pou gagner?

Après la mort de Hazrat Massih Maoud (as), nous fine trouver couma bane parties de prophécie de 20 Février 1886 fine accompli, mais couma Hazrat Musleh Maud (ra) **fine toujours déclaré:** « ***Mo pas dire ki mo le seul Promis et ki aucaine les autres Promis pas pou apparaître jusqu'au Jour du Jugement. Fine mentionné dans bane prophécies du Messie Promis ki quelques z'autres Promis pou vini également et certains d'entre zot pou apparaître après des siècles. En effet, Allah fine dire moi, ki à ene moment donné, Li pou envoye moi ene deuxième fois dans sa le monde là et mo pou vini pour la réforme du monde à ene moment kot l'association à Allah (le Chirk) pou répande. Sa veut dire ki mo l'âme, à ene certain moment, pou descendre lors quelqu'un ki pou possède bane facultés et bane capacités couma moi et ki kan li pou suivre mo bane pas, li pou apporte ene réforme du monde. Ainsi, bane ki fine promis pou apparaître dans zot moments ki*** »

fine fixé pou zot selon la promesse d'Allah Le Tout-Puissant. » (Discours de Hazrat Mirza Bashiruddin Mahmud Ahmad (ra) au cours d'ene réunion à Hoshiarpour - 20 Février 1944).

Ene révélation d'Allah et même ene grand prophétie ki vine de Li capave réalisé de différents façons. Tout comme bane paroles du Quran Shareef ki aussi vivant aujourd'hui pareil couma zot ti vivant dans le passé, et tout comme zot pou reste vivant jusqu'au Jour du Jugement, pareillement bane mêmes prophéties capave également réalisés pour bane messagers d'Allah dans le futur aussi, et sa bane révélations là zot bane moyens pour montrer la grandeur d'Allah, qui réalise sa bane prophéties là non pas ene seule fois mais plusieurs fois comme ene signe de So miséricorde et de So bonté envers l'humanité et le plus grand signe de tous c'est ki Li envoie de temps à autre jusqu'à le jour du Jugement So bane messagers consacré pou guide l'humanité lors le droit chemin, pou faire zot comprend la véracité de tous bane prophètes d'Allah et pou confirme zot et aide zot pou préserve zot l'honneur arrive séki arrive.

Lors sa parole là, mo arrête mo Khutba là-même. Ki Allah permette à bane *Ulul-al-Baab* pou percevoir la vérité de mo parole et ki Allah ouvert bane la portes de zot lé cœur afin pou percevoir la lumière de la vérité, de la foi et de la proximité divine. *Insha-Allah, Ameen.*